

## **PREGO DE CONDICIÓN QUE REXERÁN A ADXUDICACIÓN DA BARRA-BAR DAS FESTAS DE SANTA MARTA**

### **1.- Obxecto da adxudicación**

É obxecto da adxudicación do presente contrato a explotación da barra do Bar das festas da verbena municipal de Santa Marta no exercicio 2023, que terá lugar os días 28, 29 e 30 de xullo de 2023.

### **2.- Duración da adxudicación**

A barra-bar instalarase nas inmediacións do Piñeiral da Madalena, baixo unha carpa que instalará o Concello nas inmediacións do Piñeiral da Madalena, durante os días 28, 29 e 30 de xullo de 2023.

### **3.- Capacidade para participar**

Poderán optar á adxudicación do presente contrato todas as persoas naturais ou xurídicas, españolas ou estranxeiras, a título individual ou en unión temporal de empresarios, que teñan plena capacidade de obrar, que non estean incursas nalgunha prohibición de contratar e que acrediten a súa solvencia económica, financeira e técnica, ou se atopen debidamente clasificadas.

As persoas xurídicas só poderán se adxudicatarias de contratos cuxas prestacións estean comprendidas dentro dos fins, obxecto ou ámbito de actividade que, a teor dos seus estatutos ou regras fundacionais, lles sexan propios.

Os contratistas deberán contar así mesmo coa habilitación empresarial ou profesional que, no seu caso, sexa esixible para a realización da actividade ou prestación que constitúa o obxecto do contrato.

### **4.- Presentación de proposicións**

**As proposicións presentaranse necesariamente no Rexistro do Concello de Cabanas, ata as 12:00 horas do día 26 de xullo de 2023.**

Cada licitador non poderá presentar máis dunha proposición. Tampouco poderá subscribir ningunha proposición en unión temporal con outros empresarios se o fixo individualmente ou figurar en máis dunha unión temporal. A infracción destas normas dará lugar á non admisión de todas as proposicións por el subscritas.

A presentación de proposicións supón a aceptación incondicional polo empresario do contido da totalidade das cláusulas ou condicións previstas no prego que rexe o contrato, sen condición ou reserva algunha.



## 5.- Forma e contido das proposicións

As proposicións por parte dos licitadores presentarase nun Sobre Único, no que se incluíra a declaración responsable e oferta económica conforme ao modelo establecido no Anexo I do presente Prego.

A cantidade mínima a poxar fíxase na cantidade de **DOUS MIL EUROS (2.000,00 €), PODENDO SER MELLORADA Á ALZA.**

## 6. Cualificación da documentación presentada, valoración e apertura de proposicións

A apertura dos sobres realizarase pola Unidade de Asistencia Técnica, que efectuará proposta de adxudicación a favor do licitador que presentara a oferta economicamente máis vantaxosa e que cumpre o resto dos requisitos do presente prego.

No caso de empate na oferta economicamente máis vantaxosa procederase ao sorteo das mesmas.

A proposta de adxudicación do contrato non crea dereito algún en favor do licitador proposto, que non os adquirirá, fronte a esta Administración, mentres non se formalizou o contrato.

De conformidade co disposto no artigo 152 da LCSP, a decisión de non adxudicar ou celebrar o contrato ou a desistencia do procedemento poderán acordarse polo órgano de contratación antes da formalización.

Só poderá adoptarse a decisión de non adxudicar ou celebrar o contrato por razóns de interese público debidamente xustificadas no expediente.

## 7.- Adxudicación do contrato

A adxudicación do contrato corresponde ao órgano de contratación que, neste caso, é o Alcalde.

A adxudicación do contrato levará a cabo atendendo ao criterio de adxudicación PREZO Á alza, de conformidade co disposto nos artigos 145 e 146 LCSP. Neste contrato non se prevén criterios avaliábeis mediante xuízo de valor.

O órgano de contratación procederá a requirir á empresa adxudicataria, mediante notificación electrónica, a acreditación de estar ao corrente do cumprimento das obrigacións tributarias e coa Seguridade Social, no prazo de 3 días hábiles. O adxudicatario depositará nos tres días hábiles seguintes á adxudicación o 50% do importe total mediante ingreso á conta que mantén este Concello coa entidade Abanca.

O seguinte pago realizarase unha vez rematas as festas de Santa Marta, antes do día 7 de agosto de 2023.



En caso de non facer o mencionado ingreso no prazo imposto no punto anterior, sen máis, será anulada a adxudicación e pasará ao ofertante seguinte.

## **8.- Perfección e formalización do contrato**

O contrato perfeccionarase coa sinatura por parte do adxudicatario da resolución da alcaldía pola que se adxudica o contrato.

## **9.- Obrigacións e dereitos**

O contratista será responsable dos accidentes, danos de calquera natureza e prexuízos que se causen a terceiros ou ao Municipio, como consecuencia da realización dos traballos obxecto do contrato. A tales efectos, o contratista deberá ter subscritos e en vigor os seguros e as pólizas de responsabilidade civil. Ao adxudicatario esixiráselle que subscriba un seguro de Responsabilidade Civil por un valor de 300.000,00 €, debendo entregar copia do mesmo a este Concello xunto ao resto de documentación.

Este Concello non se fai responsable de calquera anomalía, denuncia ou outras que poidan producirse no recinto de barra-bar e que sexan ocasionados por discrepancias da mesma.

Deberá cumprir e facer cumprir durante a execución dos traballos a normativa de Seguridade e Saúde e de Prevención de Riscos Laborais.

O adxudicatario non terá máis gastos que a montaxe e desmonte da caseta e mostradores, así como a limpeza diaria do recinto cantas veces sexan precisas no mesmo día, as mesas e cadeiras que se utilizan e os produtos de limpeza que utilice na mesma, correndo este Concello tanto cos gastos derivados da luz consumida no recinto da verbena como de luz consumida na caseta de barra-bar. Deberá manter en perfecto estado as instalacións adscritas ao contrato, con rigorosa observancia de todas as medidas hixiénico sanitarias precisas.

Deberá abonar a contra prestación na forma establecida no presente prego.

Os prezos das bebidas, artigos ou produtos que o adxudicatario venda na barra-bar da verbena municipal serán fixados polo mesmo, sempre en concordancia cos demais establecementos desta localidade. Dispoñer dunha listaxe de prezos actualizado e exposto ao público.

Deberá sinalar unha dirección de correo electrónico a efecto de notificacións e comunicacións e un teléfono de contacto, onde se practicarán as mesmas.

O contratista terá dereito á explotación da barra-bar das Festas de Santa Marta para o exercicio da actividade e percibirá dos usuarios os prezos derivados das prestacións realizadas.

Non poderán participar en na poxa as persoas que sexan debedoras con este Concello, sexa cal fose a débeda contraída, se ao día fixado para a devandita poxa non cancelou as súas débedas, para o que presentará a documentación que no anexo de documentación relaciónase.



Se o adxudicatario renunciase á barra-bar da verbena municipal, sexa pola causa que sexa, non se lle devolverá a cantidade depositada, ademais de quedar penalizado para a participación nesta poxa nos próximos 3 anos.

Ao adxudicatario esixiráselle que teña sempre, e en todo momento, en perfectas condicións hixiénico-sanitarias todas as dependencias do recinto, barra-bar, mesas, cadeiras, etc.

## **10.- Resolución do contrato**

Son causas de resolución do contrato as recollidas nos artigos 211 e 313 da LCSP.

A resolución do contrato acordarase polo órgano de contratación de conformidade co disposto no artigo 212.1 da LCSP mediante procedemento tramitado na forma regulamentariamente establecida.

Cando o contrato resólvese por incumprimento culpable do contratista seralle incautada a garantía e deberá, ademais, indemnizar á Administración os danos e prexuízos ocasionados no que excedan do importe da garantía incautada.

## **11.- Prerrogativas da Administración**

O órgano de contratación ostenta a prerrogativa de interpretar os contratos administrativos, resolver as dúbidas que ofrezca o seu cumprimento, modificalos por razóns de interese público, declarar a responsabilidade imputable ao contratista por mor da execución do contrato, suspender a execución do mesmo, acordar a súa resolución e determinar os efectos desta.

Igualmente, o órgano de contratación ostenta as facultades de inspección das actividades desenvolvidas polo contratista durante a execución do contrato, nos termos e cos límites establecidos na LCSP.

## **12.- Xurisdición competente**

As cuestións litixiosas xurdidas sobre interpretación, modificación, resolución e efectos dos contratos serán resoltas polos Órganos de Contratación, cuxas resolucións esgotarán a vía administrativa e abrirán a vía Contencioso-Administrativa, a teor da Lei da devandita xurisdición.

## **13.- Recursos**

Os actos de adxudicación poderán ser obxecto de recurso de conformidade co disposto na Lei 39/2015, do 1 de outubro, do Procedemento Administrativo Común das Administracións Públicas; así como na Lei 29/1998, do 13 de xullo, reguladora da Xurisdición Contenciosa-administrativa.



**ANEXO I: MODELO DE PROPOSICIÓN**

D/D<sup>a</sup>.....  
con domicilio a efecto de notificacións en  
..... con D.N.I.  
....., número de teléfono ....., dirección de  
correo electrónico ....., en plena posesión da súa  
capacidade xurídica e de obrar, actuando en nome propio (o en representación de  
.....  
con D.N.I./N.I.F n°: ....., con domicilio en  
.....

Toma parte no procedemento de contratación para a **“INSTALACIÓN DUNHA BARRA-BAR NAS FESTAS DE SANTA MARTA”** e para cuxos efectos fai constar que:

1º.- Coñece e acepta cantas obrigacións se deriven dos Pregos de cláusulas administrativas particulares do presente contrato, así como a documentación técnica que o integra.

2º.- Acompaña a documentación esixida no Prego de Cláusulas administrativas particulares

3º.- Fai constar que na presente licitación (**indíquese o que proceda**):

- a) Non concorre con empresas vinculadas
- b) Concorre coa/s seguinte/es empresa/s:

Denominación

NIF

4º.- **Prezo:**

Ofrece o seguinte prezo (DATOS SÓ EN NÚMEROS, NON EN LETRA):

\_\_\_\_\_ EUROS

**5º. DECLARA RESPONSABLEMENTE :**

- 1. Que ten a representación da sociedade que presenta a oferta;
- 2. Que conta coa adecuada solvencia económica, financeira e técnica ou, no seu caso, a clasificación correspondente;



3. Que conta coas autorizacións necesarias para exercer a actividade;
4. Que non esta incurso en prohibición de contratar;
5. De conformidade co disposto no art. 159 e 75.2 LCSP. (**Indicar a opción**):
  5. a. Que non vai recorrer ás capacidades doutras entidades
  5. b. Que vai recorrer ás capacidades doutras entidades, comprometéndose a dispor dos recursos necesarios mediante a presentación para ese efecto do compromiso por escrito das ditas entidades, UNHA VEZ SEXA REQUIRIDO POLA Administración.
6. O seu sometemento ao foro español (só no caso de Empresas estranxeiras)
7. Que a empresa á que representa cumpre coas disposicións vixentes en materia laboral e social.
8. Que a empresa á que representa se atopa ao corrente no cumprimento das obrigas tributarias impostas polas disposicións vixentes, así como coa Seguridade Social.
9. Que a dirección de correo electrónico habilitada a efecto de notificacións é a seguinte .....

Data e firma do licitador,

